

Rydym am rannu'r wybodaeth ddiweddaraf ag ysgolion a cholegau, ac egluro ymhellach rhywfaint o wybodaeth allweddol am y dull o ddyfarnu TGAU ac UG/Safon Uwch yr haf hwn:

### 1. Gellir defnyddio amrywiaeth eang o dystiolaeth i bennu graddau

Gall athrawon ddefnyddio eu barn broffesiynol i benderfynu pa dystiolaeth i'w defnyddio i bennu graddau eu dysgwyr mewn ffordd deg a chytbwys – gan gynnwys tasgau wedi'u llunio gan y ganolfan, cyn-bapurau wedi'u haddasu a gwaith cwrs.

### 2. Mae cyn-bapurau wedi'u haddasu yn ddewisol

Mae cyn-bapurau wedi'u haddasu ar gael i ysgolion a cholegau eu defnyddio; nid ydynt yn orfodol, a gall athrawon ddewis defnyddio ffurfiau dibynadwy eraill o dystiolaeth yn lle hynny. Os defnyddir cyn-bapurau, nid oes angen eu sefyll mewn un sesiwn, a gellir eu rhannu yn adrannau.

### 3. Gall ysgolion a cholegau greu eu hasesiadau eu hunain

Gellir defnyddio tasgau wedi'u llunio gan y ganolfan fel ffynhonnell o dystiolaeth dysgwyr. Rydym wedi llunio deunyddiau hyfforddiant ac arweiniad i helpu athrawon sydd am greu eu hasesiadau eu hunain – ewch i'n [Gwefan Ddiogel](#) am fwy o wybodaeth.

### 4. Dylid dilyn y rheol 'ansawdd nid maint'

Mae ansawdd y dystiolaeth yn bwysicach na maint y dystiolaeth. Rydym yn cynghori y dylid ymdrin mor llawn â phosibl â'r amcanion asesu i sicrhau bod dysgwyr yn ymdrin yn ddigon eang â'r fanyleb. Gellir ymdrin yn fanylach â rhai agweddau nag eraill.

### 5. Ysgol, coleg neu gartref?

Gellir gwneud asesiadau yn yr ysgol, coleg, neu gartref, ond mae angen i athrawon fod yn hyderus mai gwaith y dysgwr ei hun ydyw. Gellir rhannu'r testunau asesu â'r dysgwyr ymlaen llaw; ond nid yr asesiad ei hun ymlaen llaw.

### 6. Gall ysgolion a cholegau ddefnyddio dull cyfannol

Gall athrawon wneud penderfyniad cyfannol ar berfformiad eu dysgwyr ar draws amrediad o dystiolaeth ar gynnwys sydd wedi'i addysgu iddynt. Rydym wedi llunio canllawiau i helpu athrawon â phenderfyniadau cyfannol ac mae gennym ddisgrifyddion graddau i ddangos sut gall dystiolaeth dysgwyr gyfateb i'r safonau disgwylidig – gall athrawon fynd ar ein [Gwefan Ddiogel](#) am fwy o wybodaeth.

Edrychwn ymlaen at eich cefnogi chi wrth i chi gynllunio a pharatoi ar gyfer haf 2021. Os hoffech roi adborth, cysylltwch â ni: [asesiadau2021@cbac.co.uk](mailto:asesiadau2021@cbac.co.uk)

